

Diamars, 11 di April 1995

1 Florin

Aña 4 / No. 2088

Director di Servicio Postal prohibí pa drenta e edificio y su oficina

Página 3

Temporada di campamento a iniciá

ORANJESTAD-E siman di campamento a iniciá y ya den fin di siman tabatin varios actividad riba beach, mientras cu autoridadnan y Gobierno, a iniciá un campaña di conscientizacion pa esnan cu ta bai haci uso di e beachnan den e próximo dianan.

Enfasis ta ser poní riba proteccion di e medio ambiente, pa tene e lugarnan limpi y tambe pa respetá propiedad di otro.

Lo ta bon pa esnan cu ta bai campa tambe, tene uso di alcohol na un mínimo, cual ta e fuente di gran parti di e problemanan cu ta sosodé na beach tur aña.

Lo bai tin actividadnan mesos cu tur aña y Pasco Grandi lo tin varios evento organizá pa radio-emisoranan riba nos isla. Ban poco poco, y cuida nos beachnan. □



Voz-I-Landia tabata formidabel

ORANJESTAD-Diadomingo a tuma lugar den Tropicana Ballroom di La Cabana Beach Resort, e final di e festival di cancion escolar, esta Voz-I-Landia y cual a bira otro gran éxito sin duda alguno.

Monrick Croes a bira e ganador den e Categoría B caminda el a gana tanto Cancion como Voz cu su cancion, "Mi Canto", mientras cu den categoría A, Francella Jacobs a gana den Voz cu su cancion "Mi Curazón Chikito y den Cancion tabata Ostrick Jansen kende a gana cu e cancion "Mi Flie". Riba página 32 tin un amplio reportahe di e festival aki, cu sigur ta di gran balor den desarroyo artístico di nos muchanan.

Bon Dia Aruba ta manda un pabien na tur e participantenan y tambe na e organizadoman, cu un biaha mas a cumpli cu tremendo espectáculo. □

